



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏ

Կ Ա Ր Գ Ա Դ Ր ՈՒ Թ Յ ՈՒ Ն

29 հունվարի 2015 թ.

N 11-Ա

«ՔԱԶԱՐԱՆԻ ԲԺՇԿԱԿԱՆ ԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՏՆՕՐԵՆԻ ՄԱՍԻՆ

Ղեկավարվելով «Իրավական ակտերի մասին» Հայաստանի Հանրապետության օրենքի 19-րդ հոդվածի 1-ին մասի, ՀՀ աշխատանքային օրենսգրքի 112-րդ հոդվածի, «Բաժնետիրական ընկերությունների մասին» Հայաստանի Հանրապետության օրենքի 67-րդ հոդվածի 1-ին մասի թ) ենթակետի դրույթներով և համաձայն «Քաջարանի բժշկական կենտրոն» փակ բաժնետիրական ընկերության տնօրեն Վ.Ավագյանի անձնական դիմումի, **Կ Ա Ր Գ Ա Դ Ր ՈՒ Թ Յ ՈՒ Ն**

1.2015թ. հունվարի 29-ից լուծել «Քաջարանի բժշկական կենտրոն» փակ բաժնետիրական ընկերության տնօրեն Վարդան Ավագյանի հետ 2006թվականի հունիսի 1-ին կնքված N 12 աշխատանքային պայմանագիրը:

Հիմք. ՀՀ աշխատանքային օրենսգրքի 112-րդ հոդված, Վ.Ավագյանի անձնական դիմումը:

2. «Քաջարանի բժշկական կենտրոն» ՓԲԸ տնօրենի ժամանակավոր պաշտոնակատարին՝ օրենսդրությամբ սահմանված կարգով կատարել վերջնահաշվարկ:

3.2015թ. հունվարի 29-ից «Քաջարանի բժշկական կենտրոն» փակ բաժնետիրական ընկերության տնօրենի պաշտոնակատար նշանակել Հովիկ Դավթյանին մինչև ՀՀ օրենսդրությամբ սահմանված կարգով ընկերության տնօրենի թափուր պաշտոնի համար մրցույթի անցկացումը:

Հիմք Հ. Դավթյանի անձնական դիմումը:

4. Ընկերության ակտիվների և պարտավորությունների գույքագրում, հանձնում-ընդունում կատարելու համար ստեղծել հանձնաժողով հետևյալ կազմով.

Կողմանով Կառլեն մարզպետարանի աշխատակազմի իրավաբանական բաժնի պետ (հանձնաժողովի նախագահ)

Գևորգյան Նունե մարզպետարանի աշխատակազմի առողջապահության և սոցիալական ապահովության վարչության առողջապահության բաժնի պետ

Ավետիսյան Համլետ մարզպետարանի աշխատակազմի ֆինանսական և սոցիալ-տնտեսական զարգացման վարչության հաշվապահական հաշվառման բաժնի գլխավոր մասնագետ

Ավագյան Վարդան «Քաջարանի բժշկական կենտրոն» ՓԲԸ նախկին տնօրեն, հանձնող

Դավթյան Հովիկ «Քաջարանի բժշկական կենտրոն» ՓԲԸ տնօրենի ժամանակավոր պաշտոնակատար, ընդունող:

5. Մարզպետարանի աշխատակազմի ղեկավարին՝ ապահովել սույն կարգադրությունից բխող անհրաժեշտ գործառույթների իրականացումը:

ՀՀ ՍՅՈՒՆԻՔԻ ՄԱՐԶՊԵՏ

Ս. ԽԱԶԱՏՐՅԱՆ

